



Ho ne ho e na le ngwanana ya bitswang Maṭodzi.
Maṭodzi o ne a dula motseng le mmae le nkgonae.



Ka tsatsi le leng, mmae a mo roma ho isa molaetsa ho rakgadipe ya neng a dula motseng o mong.

“Latela tsela eo re e sebedisang ka nako tsohle,” ke mmae eo a mohopotsa.



Maṭodzi a latela tsela eo a e tlwaetseng ho ya ha rakhadiale
ho isa molaetsa.

Ha a le tseleng a kgutlela hae, a utlwa lentswe le fokolang
haufi le yena le reng, "A ko nthuse hle."



Maṭodzi a thalatsa, a bona mme ya robetseng ka thoko ho tsela.

A dumedisa mme eo mme a mmotsa, "Ke hobaneng ha o robetse moo?"



“Ke a fokola, ke a kula, hape ke hole le lehae laka” ho araba mme.

Maṭodzi a utlwela mosadi eo bohloko.



A re ho mme, “Ke tla o isa heso hobane ho haufinyana.”

Matodzi a thusa mosadi ho ema. Ba tsamaya butle ho fihlela ba fihla hae.



Maṭodzi, mmae le nkgonae ba hlokomela mme eo ho fihlela
a e ba betere.



Mme a ba leboha haholo ka tlhokomelo eo ba mo neileng yona.

A thoholetsa Maṭodzi ka botho ba hae le sebete seo a nang le sona.



Mme a re ho Maḡodzi le ba lelapa la hae, "Ha nkake ka lebala molemo oo le nketseditseng ona.

Ka mora matsatsi a mararo, ke batla hore le etse ditabatabelo tse pedi."



Ka mora matsatsi a mararo, Maṭodzi, mmae le nkgonae ba etsa ditabatabelo tse pedi.

Tabatabelo ya pele e ne e le ho ba le ntlo e ntle.



Tabatabelo ya bobedi ya eba hore ntlo ya bona e be haufi le moru hore ba seke ba sokola ho rwalla patsi.

Ditabatabelo tsa bona tsa phethahala jwalo feela ka ha mme a ne a ba bolelletse.



Maḡodzi le ba lelapa labo ba phela ha monate ntlong ya bona e ntle e haufi le moru.